



Bosnia and Herzegovina
Federation of Bosnia and Herzegovina

CANTON SARAJEVO
Ministry of Internal Affairs

Broj: 01-9-02-2-2080-1/22
Sarajevo, 28.04.2022.godine

SKUPŠTINA KANTONA SARAJEVO **n/r predsjedavajućeg Skupštine**

PREDMET: Odgovor na zastupničko pitanje zastupnika Aljović Hameda, dostavlja se;-

VEZA: Vaš akt broj:01-04-10427-26/22 od 22.03.2022. godine

U skladu sa članom 219. stav 3. Poslovnika Skupštine Kantona Sarajevo ("Službene novine Kantona Sarajevo"- Drugi novi prečišćeni tekst br. 41/12, 15/13, 47/13, 47/15 i 48/16), dostavljamo odgovor na zastupničko pitanje, koje je na 49. Radnoj sjednici Skupštine Kantona Sarajevo održanoj dana 15.03.2022. godine, u okviru tačke Dnevnog reda "Poslanička/zastupnička pitanja, inicijative i odgovori", postavio zastupnik Hamed Aljović, koje glasi: **"Molim Ministarstvo unutrašnjih poslova KS, da mi odgovori: Kad će se krenuti u rekonstrukciju Policijske stanice u Trnovu koja je uništena u prošlogodišnjim poplavama?"**

ODGOVOR

Uslijed obilnih kišnih padavina na području Kantona Sarajevo, koje su se desile u novembru mjesecu 2021. godine, a koje su prouzrokovale znatnu materijalnu štetu na objektu Policijske stanice Trnovo, predstavnici Ministarstva unutrašnjih poslova Kantona Sarajevo su, odmah nakon navedene elementarne nepogode, zajedno sa predstavnicima Opštine Trnovo i javnih preduzeća, izvršili obilazak objekta, zatim sačinili specifikaciju oštećenja na objektu, sredstvima i opremi i pokrenuli aktivnosti na čišćenju objekta, te odvozu uništenih podova i namještaja, kao i premještanju arhivske građe, jer su prostorije u prizemlju objekta oštećene i neuslovne. Izvršena je i popravka oštećenog kotla na pelet, kako bi sistem zagrijavanja bio u funkciji.

Uslijed veće oštećenosti, neuslovnosti i neupotrebljivosti prostorija u prizemlju, proces rada u Policijskoj stanici Trnovo organizovan je na prvom spratu objekta. Uzimajući u obzir činjenicu o znatnom oštećenju objekta, te da se isti nalazi u dosta lošem stanju, za čiju adaptaciju je potrebno izdvojiti značajna finansijska sredstva, bilo je potrebno izraditi kompletnu projektnu dokumentaciju, na osnovu koje će se izvršiti građevinsko-zanatski radovi na adaptaciji istog.

S tim u vezi, a kako bi se ispoštovale procedure propisane odredbama Zakona o javnim nabavkama i Uredbe o kontroli javnih nabavki u svim institucijama čiji je osnivač Kanton Sarajevo, a kojima je regulisana oblast javnih nabavki, izvršeno je istraživanje tržišta za projekat adaptacije i sanacije, a nabavka projektantskih usluga je uvrštena u Plan nabavki za 2022. godinu, te je također u toku izrada tenderske dokumentacije i u narednom periodu će postupak biti objavljen.

Ujedno Vas obavještavamo da Ministarstvo unutrašnjih poslova Kantona Sarajevo, u saradnji sa načelnikom Općine Trnovo, radi na iznalaženju lokacije za novi objekat Policijske stanice Trnovo.

S poštovanjem,

Prilog:

-CD x1.



Dostaviti:

- ① Naslovu;
2. Stručna služba Vlade Kantona Sarajevo;
3. a/a.

